

序

揚州續北湖小志從弟慎齋先手輯也憶昔焦里堂孝廉著有前北湖小志所載一方人物事跡節孝風俗刊行於世迨四十年矣余自己亥歸田後卽屬慎齋弟續是書同其兄敬齋克弟實齋充搜羅更得六卷粲然大備復延甘泉王望湖參訂儀徵畢韞齋增補閱五年而成茲擬付梓氏請正於余夫余耄矣又覩是書之刻幸繼里堂載筆之有人實爲快事故樂爲之序道光二十七年丁未中秋後四日頤性老人阮元識於康山之西時年八十有四

北湖續志篇目

卷一

山川

橋梁附

疆里

水利

圩岸附

卷二

祠祀

冢墓

卷三

形勝

卷四

人瑞

人物

選舉

孝友

北湖續志

篇目

節孝

卷五

歲時

風俗

金石

經藉

物產

卷六

藝文

傳記
墓誌銘

墓表
節孝詩

雜錄

北湖續志卷一

甘泉阮 先慎齋編輯

山川

揚州運河以西郡城以北爲北湖綿亘百餘里或萃三十
六湖之澎湃或分七十二澗之滌澗而甘泉馬鞍諸山更
與湖光相接故湖山並志以備採摭焉

甘泉山在府城西北三十五里大儀鄉高二十餘丈周二里上
有井甚甘故名

讀史方輿紀要

嘉靖維揚志山上有甘泉七峰聯絡如

斗平地錯落諸圓岡凡二十八如列宿拱斗然第一峰環視旁
圍諸山在江南者鱗鱗如列坐舊志謂厲王冢在此郡國志廣
陵厲王冢冢歲旱鳴鼓遶之輒致雲雨乾隆七年知縣張宏運

七湖續志

卷一

一

築靈雨臺於山上嘉慶十二年春不雨鹽政額勒布禱於臺輒
應更建龍王廟立八卦臺

靈雨臺記

張宏運

余治甘之明年以循視麥隴過甘泉山盎盎晴暉四迎原野
與村煙墟樹相掩映於遠近之間而人風土俗蒸蒸然有近
樸向古意余願而樂之與鄉之父老陟十餘丈而上盈視駭
矚徘徊不能去父老告余曰茲山錯落布置於平地而爲圓
岡者二十有八若列宿然蜿蜒聯屬矗起而爲峰者七若斗
然其上有井甚甘美此山之所以名而分邑亦以命名誠重
之也又有進而言者曰廣陵厲王塚相傳在茲山上或旱甚
鳴鼓遶之輒致雷雨余聞而尤異之然茲山之巍然特出視

封內諸山若培塿信如斯言益以徵山靈之不爽余乃攝衣而上升極高之峰欲求王塚之所在不可得四顧徜徉豁人心目而西望愛敬之陂慨然想見魏太守陳公之遺愛於弗墜今陂塘亦既爲膏腴矣而我朝厚澤涵濡雨暘時若已無復雲漢之咏且河防水利講求備至其所以利濟斯民者何啻百倍於當年祈禱之說應無所事然茲山之靈異若彼固大有造於吾民者使不有以表彰而興起之亦守土者之闕也爰於高峰中之深邃處爲築一臺命之曰靈雨蓋節取詩中靈雨旣零之意以志鳴鼓致雨之異焉夫有一邑之人物必有一邑之山川是皆能表靈異與雲雨以爲一方之利賴者則斯臺也旣以表茲山之靈亦可爲一時雩禱之所由是而歲取十千以仰荅

聖天子惠保元元之至意或亦父母斯民之一道乎至於勞農稅駕與二三父老登眺流連尤不爲無助云

李滋裕問山

廣陵西北部山橫壓地軸突兀名甘泉救旱同川瀆岡巒二十八列峙如拱服上有七峰連蒼然勢盤鬱我昔漫經過徒步苦炎熇今春風物佳旁甸思尋逐招要有高會恰使前遊續平明走車騎亭午入山麓紆迴古寺門疊磴先憩足消煩酌春泉齒頰餘芳馥拄杖繞松篁仰視龍圖龕扳援陟危巔扶輿徧清淑烟嵐衆象深阡陌入遙目循行得古塚蔓草流碑覆蒼蔚出甘霖能濟窮檐哭何緣謝塵氛結廬此山曲

南嘗登會稽北亦瞻泰岱惟此甘泉山若彼皆不逮豈真較彼高近我則偏愛三月既生霸隨意約同輩十里沿溪行由面達山背野鳥餘春聲青松作閒態巍巍靈雨臺四望目無礙湖光遠接天桑田繡其內金牛一點烟北固澹如黛前人未品題此山乃韜晦或云牛之精七峯與天配山神不受諛不必向山諱山根有人家竹籬聞犬吠

盤古山在城西三十里西與鄉上有盤古墓俗呼廟山新舊府縣志

馬鞍山在城西北三十五里大儀鄉高一十二丈周三里狀似馬鞍故名

得勝山在城西北三十里大儀鄉高七丈周二十五里

北湖續志 卷一

席帽山在府城西北十二里與得勝山皆周二十五里而高不

過數丈方輿紀要嘉靖維揚志山在大儀鄉高七丈狀如席帽俗呼

帽兒墩

九龍山在城西北四十五里公道橋側江都縣志引萬曆志作

九龍岡重修揚州府志

夾岡在城東北七里大儀鄉東接灣頭鎮淮子河口

蜀岡在城西北四里一名崑岡

獨岡在城西北四十五里

浮城岡在城西二十八里豐樂鄉新城湖高二丈周二十餘丈

雍正縣志

廟岡在北湖黃珏橋西宋元間倪萬二姓建社神廟於岡上故

名重修府志

鳳凰林在城北三十二里招賢鄉新舊府縣志宋紹定四年有鳳鳥

至其地故名今城北無鳳凰林惟楊獸醫壩西有鳳子嶺疑卽此也

老虎墩在甘泉山南

雷塘在府城西北十五里上塘長廣六里餘下塘長廣七里今皆佃爲田漢書作雷陂寰宇記有大雷小雷之宮吳王濞遊此嘗築釣臺江都王建蕩舟溺水兩小黃門卽其處元至正年造牖於上雷塘成化八年侍郎王恕郎中郭昇於上下雷塘各造石牖一座水礎二座以時蓄泄分設塘長一名塘夫四十名嘉靖十八年巡撫都御史周金管河都御史郭持平俱行府縣修

北湖續志

卷一

四

築重修府志

唐羅隱

入郭登橋出郭船紅樓日日柳年年君王忍把平陳業只換雷塘數頃田

宋晷无咎

雷塘新作麥田荒曾說風興沒雨郎誰似當年李刺史春波還引勾城塘

元蘇大年

雷塘春雨綠波濃古冢寒煙蔓草空斜日欲沉山色近行人無處問行宮

吳公臺下雷塘路錦纜牙樁行樂處當年玉樹後庭花夢裡

相逢惜春暮君不見東家北舍人未歸落花滿地蝴蝶飛

明李之儀

鞭長不能及馬腹有限生涯時苦促空使後人悲後人雷塘
春草年年綠誰知秀色若可餐風光付與初凭肩力殫四海
歡未已眉黛一螺當幾錢君不見黃金棟梁回首蠹漠漠平
沙青塚暮三絃欲斷空自知千金漫買長門賦膏油續盡天
須曉后土餘壘可長保就令並蒂永不分也應終恨雷塘草
猶笑舞腰傷

國朝王士祿

寶城北是上雷塘細草青青墓跡荒莫笑錦帆隋煬帝李花
楊葉兩茫茫

彭孫通

楊柳行宮汴水秋如雲殿腳下龍舟可憐疏鑿三千里占得
雷塘一曲流

小新塘在上雷塘之東北

勾城塘在府城西三十五里

鴛鴦塘在府城北四十里 萬厓志塘與小新三雷積水當勾
城之灌後爲人侵占莫知其處北湖小志今城北黃珏橋之西
四里有地名鴛鴦塘正在城北約四十里未知卽此否

宗元鼎

鴛鴦塘上水秋雨浴鴛鴦博得採菱女朝朝弄畫舫

大儀鋪古為鎮在城西七十里接天長縣界屬上官巡司轄宋建隆元年征李重進次大儀紹興五年劉豫以金人入寇韓世宗禦之至大儀伐木為柵自斷歸路勒五陣設伏二十餘所金將擁鐵騎過五陣東伏發寇大敗論者稱大儀之捷為中興功第一即此地

槐家河在城東北十五里府志

淮子河在城東北十二里亦曰懷子河直接雷塘

鯁魚口在邵伯鎮西甘泉志

焦循

才過露筋祠又入鯁魚口舍去大船乘小舟一湖菱葉橫魚

北湖續志 卷一

六

留雨後湖田早稻肥田邊野鳥見人飛農夫相見說田事不問長安幾日歸

人字河在城北三十五里亦曰新河

邵伯月河在城北四十五里一作邵伯越河府志

鳳凰橋引河在城北三十五里

邵伯湖在府城北四十五里東接艾陵湖西接白茆湖南通新城湖北接甓社湖春夏時湖水漲漫民田滄沒晉太傅謝安出鎮廣陵修築湖埭隨時蓄洩而田始獲歲比之召伯甘棠因名湖與埭焉

宋陳造

窗度荷芰風舟艤鴛鴦浦落帆憩篙師辟此白淙雨長征取

愜快留滯不云苦適喜縣麻勢爲盪鑠石暑去年舟繫柳臥
看虹飲渚龍公會事發尙記跳珠語崎嶇不諧俗似爲龍所
予一杯酬新涼開瓶先酌汝

明
于慎行

日暮倚蘭橈秋江正寂寥驛門斜對雨郡郭遠通潮急櫓看
商舶寒燈見市橋隋隄前路近欲聽月中簫

李東陽

蒼蒼月連空冉冉月墮水飄飄雙鬢風恍惚無定止輕帆不
用楫驚浪常在耳江湖日浩蕩行役方未已羈懷正愁絕况
乃中夜起

國朝
彭孫遹

斜暉低驛路馬首悵何依晚渡潮爭上寒塘人獨歸溪魚時
自擲水鳥慣低飛願逐垂綸者高歌入釣磯

黃子湖在府城北六十里東通官河西至末口

江都
吳綺
蘭次

晚歲甘幽僻謀居就水涯庭虛容看月地敞足栽花老鶴宜
三徑閒鷗共一家夜來清夢穩不復聽城笳

赤岸湖在黃子湖西重修府志在州治西四十里通甓社湖一
名赤岸湖枚乘七發觀濤廣陵有凌赤岸之句卽此其地多柳
道光十九年阮相國築太平隄植柳二萬株名之曰柳湖

快雪堂帖云蔡明遠鄱陽人真卿昔刺饒州卽嘗趨事及來
江右無改厥勤靖言此心有足嘉者一昨緣受替歸北中止

金陵闔門百口幾至餓口明遠與夏鎮不遠數千里冒涉江湖連舸而來不憊晷刻竟達命於秦淮之上又隨我於邗溝之東追攀不疲以至邵伯南埭始終之際良有可稱今既已事方旋指期斯復江路悠緬風濤浩然行李之間深宜尙慎右唐顏真卿帖所謂邗溝之東邵伯埭南確是此時赤岸湖口入柳堂之處大忠古賢與蔡明遠相接之迹緬懷可憶然則宜在堂東書唐蔡明遠及顏太師魯公處阮元識

高郵李聰達仁

幾處濃陰勝畫圖家山回望未模糊多情一路青青柳篔簹社湖連赤岸湖

掛帆直抵水之涯中住高人一二家我到正逢三月節窗前北湖續志卷一

八

開遍碧桃花

新城湖在府城西北四十五里東通官河抵民田

白茆湖在府城東北四十五里

朱家湖在府城東北四十五里東通官河西至末口萬麻江都志邵伯黃子赤岸新城白茆朱家六湖皆在官河上岸水相連接

荒湖在公道橋西南十里

野牛灣俗名野溝灣在赤岍湖橋頭鎮之西

涼月灣在宋家橋東與高郵分界

黃珏橋在城北四十里白茆湖北黃子湖南雍正間里人焦淇重建地差高阜居人稠密廛市鱗次屬邵伯巡司轄

吾鄉水之涓延袤不數里有橋鎖其南穹隆截湖水隄西一澗通隄東片帆起夕陽蒼靄時儼然圖畫裏溽暑雨滂沱新漲無涯涘村村柳繫船良田躍鱸鯉前夕風濤生橋柱遽傾毀敢辭畚揭勞咫尺隔村市聚工兩月餘橋成一何綺同是太平民衆力齊如此久無胥隸呼旨酒樂君子

公道橋卽湖口橋在城西北五十里一名僧道橋孫度橋長二十餘丈乾隆三年邑人江承炳重修後改爲渡橋與黃珏橋相距十里并爲湖中高阜廛市民居相等屬上官巡司轄

擘經室集今甘泉縣官冊地名曰公道橋而舊時之寫者呼者則或曰僧道橋僧度橋孫大橋以余論之以僧度橋爲近

北湖續志

卷一

九

是此地乾隆乙巳大旱水涸湖底多古石石當是宋時物宋時橋梁等工每用度僧牒銀爲之蘇州度僧橋卽其遺制此橋不及蘇州之高但其用度僧牒銀造之諒亦相同特無碑記可考耳

宋家橋在公道橋西北十五里爲高郵甘泉分界

府志

老壩橋在黃子湖

府志

桃花橋在北方寺焦氏創造

長生橋在橋鎮對湖二里

高家橋在黃珏橋東高忠節公邦佐造

王德橋在赤岸湖王氏造

董家橋在公道橋北五里

州蠻子橋在公道橋北三里

李家橋在公道橋北八里

太平橋在公道橋西五里太學生談慶雲創造

蜻蜓橋在李家橋北二里

朱家橋在楊獸醫壩北六里

孔家橋在公道橋西南十五里

梅家橋在太平橋西南七里

火燒橋在黃子湖邊爲郡城之孔道嘉慶二年光祿封公與邑

監生周正倫捐資創修易名雨膏橋

載府志

道光二十年又圯民

病涉焉阮先請於相國并屬王倫子佩金司馬孫文鎔上舍捐

資重脩以復舊制並勒石於橋下

北湖續志

卷一

十

茅勝橋在楊獸醫壩東三里文生劉元楫董修

隱棠橋在西寺南四里

高娘子橋在吉家巷南二里

黃家磚橋在楚家鋪東南三里

七截橋在福壽茶菴東南二里道光二年里人重創

田家小橋在黃泥窪東南七里

鶴公橋在戒壇寺西二里

銀定橋在九龍崗西南二里邑監生阮充倡捐公修

新橋在開元寺南二里

常濟橋明天啟六年歲進士常思喬造卽今湖口橋之遺跡也

橋久廢碑石存常氏

疆里

北湖周回百餘里凡水湄水涘必有命名邑志雖不盡載而留心輿地者尙可問諸水濱

甘泉縣附揚州府郭與江都分理皆古廣陵縣志自雍正九年析江都縣之舊城府東分與甘泉縣管理府西分與江都縣管理新城自小東門外至缺口門南歸江都縣北歸甘泉縣其邵伯上官二巡司並邵伯驛歸甘泉縣管轄

公道橋等處歸上官司轄赤岸湖等處歸

邵伯司轄

瓜州萬壽二巡司並廣陵驛歸江都縣

縣志

邵伯湖與黃子等湖通黃子湖在府城北六十里東通邵伯湖赤岸湖又在黃子湖西朱家湖在府城北五十里其湖與邵伯湖相連之處名湯家泮新城湖在府城西北四十五里白茆湖

北湖續志

卷一

七

在府城東北四十五里邵伯湖西南有楊獸壩大儀等處之水入焉又西南庇豐巷有支河甘泉山後老壩橋諸處之水入焉運隄又南爲荷花塘今決口堵築處也又南爲三溝牖又南爲鰍魚港爲菜花港爲廟港爲陳家港爲木排港爲紅橋港爲鐵牛港爲梁家港爲母家港自母家港以次而北諸港俱滙爲後河北接邵伯湖後河又西南滙爲董家湖西北則入朱家湖朱家湖之南口南流爲王家河西有梅家莊閻家莊田溝東有胥家莊田溝王家河又南流至孔家橋與董家湖合東南行爲尤家窪引河流入尤家窪王家河又於尤家窪引河稍西分一支河亦西南行有錢家莊葛家莊謝家墳卜家嘴西卜家嘴東田溝五處與尤家窪俱入越河在運河西北對東岸金灣北牖起

由運河分出迤南與東岸西灣壩相對止歸入運河運隄又南有懷子河滙小新塘上下雷塘之水達槐家河入焉府志

揚州之運河自寶應黃浦入界至瓜州儀徵達於江河以東曰下河河以西曰上河上河皆湖也其在甘泉境者郡人謂之北湖東東於運隄西受四山諸水北受高郵湖水自邵伯鎮之北五里由官河達於湖曰鰍魚口由鰍魚口而南過老鸛嘴又西爲薄劉家嘴又西爲楊家渡又西北過李家嘴有錐洶又西過陸家嘴開元寺在其南又西過沈家嘴季家嘴率黃珏橋隄而北至陸家嘴半里過裔家莊與季家嘴對湖相望又東半里至屠家嘴少東爲東嶽廟又東爲寶家嘴又東爲戴家窪湖水突入又東南爲董家嘴與沈家嘴南北相對其東有大隈亘於湖

爲劉家嘴與李家嘴南北相望東則爲朱家湖又東北過火家洪有紅廟紅廟之東北有地藏庵蓮花寺在其西北又北折其水如帶岸形若月爲湯家泮由湯家泮而西有郝家樓又西爲蔣家灘又西過馬家嘴又西繞解家嘴又北過崔家嘴又東北過南田家嘴又東北爲北田家嘴又東北過土城口又北爲東莊嘴由東莊嘴而北爲黃子湖由東莊而南爲邵伯湖龍灣洶之口有大小兩張家墩墩北當田家嘴東有灘長三四里作三角形在湖中爲管家尖管家尖之西北當汪家洶有老屋基其上鋪瓴甃又稱李家莊河淮未合之先是爲陸地莊宅之形可驗矣湖水繞東莊嘴而西過郭莊其北灘長五六里爲九頃頭其南有大帝寺又西過南王墩墩南有治平寺寺南爲梁家巷

有八角井傳爲唐時故蹟不可考由大洶而西過周家嘴又西過王家嘴迤而南一灘銳而西去爲蕎麥尖西過廟灣口至馬家嘴又西爲張田家嘴又南爲韋家嘴其西南有避風庵自避風庵渡而北抵九龍岡公道橋之鎮在焉先是有湖口橋長半里橋久廢故改爲渡湖水繞鎮而東過窰東嘴又東北過陳家花園歐陽墩在其北又東至卜倉倉前有水如帶其東南爲窰灘窰灘與張田家嘴相對其東卽黃子湖波濤壯矣由窰灘而東北過趙家嘴又西北爲陳家洶洶水抵雙塘東又北過唐家嘴又東過珠湖草堂今名南萬柳堂又東爲倪家嘴又東北過顏家嘴與九頃頭相對爲門戶其西爲赤岸湖其東爲黃子湖傲姑寺在其北由傲姑寺而東有沙家尖長三四里橫亘而東又東北

北湖續志

卷一

十三

繞林家嘴有洶界其北又西過華家嘴又西過宰家灘司徒廟在其南又西南過盛家嘴其西有柏家渡又南過王莊望湖草堂在莊

西莊西有眞武廟其西爲胡家渡其南爲西湖嘴

今名三十嘴二西湖

之西南有小張家渡又北至徐家壩又北爲張家渡渡口有普渡庵其北屬高郵自柏家渡至小張家渡統曰野牛灣又曰野溝灣

郡城北至雷塘十里雷塘至方家巷十五里方家巷至裔家集十里裔家集至公道橋十里渡一里黃珏橋至公道橋八里公道橋之東北爲赤岸湖地自公道橋七里至雙塘又八里至橋頭鎮又五里至宰家灘灘以東爲華家嘴林家嘴沙家尖顏家嘴趙家嘴倪家嘴灘以西爲柏家渡胡家渡小張家渡由公道

橋而西則西山其脉自橫山來又湖地爲市入曰黃珏橋鎮曰公道橋鎮曰橋頭鎮曰廟頭鎮曰裔家集曰方家集曰楊獸醫壩曰宋家橋鎮自公道橋至宋家橋十五里自黃珏橋至裔家集五里至方家集又五里至楊獸醫壩又五里

北湖
小志

水利

邵伯湖緊貼運河洪水漲時自邵伯湖以西如淮子赤岸諸湖以及黃珏公道等橋先行受水至下壩開時上河盡行淹沒夫水以江海爲歸宿須尋其源溯其流減其來之勢暢其歸之路而增土加隄其餘事也謹據府縣志所載河渠水利於左

運河以郡城通濟門外爲界沿堤北去四十里爲邵伯鎮卽李吉甫所築平津堰宋張綸陳損之皆增築焉蓋上流自山陽高寶以迄邵伯凡窪下之地皆滙爲湖每當夏秋水勢泛溢洪流東注寶應高郵邵伯三湖受黃淮之水邵伯一湖又受高寶二湖之水故惟邵伯湖爲最險欲開昭關各壩則下河民田盡沒

北湖續志

卷一

十五

欲俟瓜儀諸閘注江則紆緩不能驟洩惟灣頭之下芒稻河閘十八里直達大江且閘下曠土無田畝廬舍爲洩水第一捷徑雖河閘不隸於甘泉而閘之啟閉甘泉上下河以及泰州興鹽數百里之民生休戚係焉若水大則亟啟閘以保民田水小則閉閘以濟鹽運司事得人公私均便甘泉水利誠莫過於此矣

府志

宗觀淮揚上下流說曰治歸仁高堰則淮揚之上流治矣然由高堰視之則堰其上流也二十四湖下流也由漕隄視之則湖其上流也隄東七邑下流也治隄以西之下流所以分其來之勢治隄以東之下流可不多其歸之道乎昔人慮之審矣下流洩水之大支有二曰山陽之南涇河所以達海也曰邵伯之南

芒稻河所以入江也又由板閘至小壩沿隄設有減水諸閘四十餘處而各場之海口如之苟啟閉以時成規不易則至今可行所無事已昔之人但遠水之害不因之爲利今人不恤水之害惟見水之利而圖利卽於所害以涇河言前此之侵占無論已今不儼然開乎然新口視舊狹尺許焉新基視舊高數尺焉開猶不開也以芒稻河言之凡三十四里入江之口運鹽之道也今不又開乎然必外水高內水下而後東流可放也頻年以來挑淺不講焉閘基增高焉水之不能舍下而趨上也明矣甚或障之以通鹽此大惑者也涇河之不開非難也開而高卑廣狹不循其舊之難也芒稻河之積弊難破也知障之而不知濬之過也夫高其基所以障水而通鹽運也障則鹽利而漕病七

邑俱病何若濬之深自不待障之力而鹽與漕與七邑均利爲得乎且濬淺之成規具在可按而行之此二者用力至省奏功至易非如歸仁高堰之動國帑勞民力煩盈廷之議也惟不鑿智自私踵昔人之法而力舉之不越三年上下流之患永底乃

績矣

江都志

運河西岸自淮安至揚州宜多建進水閘壩引湖水入運河濟運若運河水大又宜於東岸多設減水壩開放運河之水由各支河入海引湖水入河濟運則河水不患其少放河水由支河入海則河水不患其大真萬全之策也

甘泉志

甘泉西北鄉圍圩

赤岸湖圩十有七

黃珏橋圩一

廟頭圩二

新築太平圩記

甘泉

阮

克

敬齋

溝洫成於夏后而圩岸之術則始於近時嘉慶十五年邵伯東北鄉圍圩甘泉續志云溝洫築水宜於深廣圩岸禦水利在高厚田既處窪下各隨村落人戶多少四面築圍使外水不得內侵遇霖雨積爲內水又導之使出誠鄉田同井之善規也北湖居運河西地本下隰更以洪湖淤墊不能存蓄有水卽下自嘉慶八年至二十二年歲比不登逃亡過半於是集議鳩工就中央極高者築一圩湖名赤岸兼保民生是以立名保赤後遂倚圩築圩陸續成十餘處綜計田數千畝毘

北湖續志

卷一

七

連壤接而各有界岸其圩岸有寬窄高卑故土方有多寡輕重二十年間圩外白浪連天圩內黃雲遍野用獲豐年其利最溥後黃珏橋廟頭均倣之從兄相國田在珠湖草堂之側地勢愈下道光戊戌子告歸里擇田之低者五百畝築隄圍之得菱花鏡及紹定六年埆以此地爲宋淮南東路太平鄉故名之曰太平圩云

北湖續志卷一終